

巴陵縣志卷之十五

藩封

三國吳

建昌侯孫慮孫權子吳黃武七年封吳志本傳庚辰通志建昌

侯鎮在臨湘縣東北鴨欄磯今鴨欄司後傳家塘即孫慮

作鬪鴨欄處○按臨湘係巴陵縣地分置建昌侯孫慮應

收入巴陵又梁沈約陳劉仲舉王琳俱封建昌侯考晉元

康末建昌已併入長沙郡恐梁陳亦因晉制未便收入

南北朝宋

巴陵哀王休若文帝第十九子也孝建三年封子冲嗣南史

巴陵縣志卷之十五

藩封

本傳

齊

巴陵王子倫字雲宗世祖第十三子也永明三年封南史本傳

巴陵王昭秀字懷尚文惠太子第三子也永明中封曲江

公鬱林即位封臨海郡王建武二年改封南史本傳

巴陵王昭胄字景允竟陵文宣王子良世子以封境邊虜

建元元年改封巴陵王南齊書

梁

巴陵王齊和帝蕭寶融天監元年封全食一郡梁書武帝紀

巴陵王屏普通三年卒梁書



巴陵隱王寶義字智勇齊明帝長子也本名明基建武元年封晉安郡王梁受禪封謝沐縣公尋封巴陵郡王奉齊

後南史本傳

岳陽郡王譽昭明太子第三子也中大通三年封元帝時

附庸於西魏為梁王主梁嗣居江陵乃稱皇帝於其國周

保定二年督薨武帝命譽子歸嗣位隋開皇五年歸薨子

琮嗣位琮叔父巖及弟暉等叛於是廢梁國煬帝嗣位拜

琮內史令改封梁公南史武帝紀北史僧偽附庸本傳

巴陵王蕭統太平元年封奉宋齊二代後梁書紀南史作蕭沈

陳

巴陵縣志

卷之十五

藩封

二

岳陽王叔慎字子敬宣帝第十六子也少聰敏十歲能屬

文大建十四年立為岳陽王禎明元年出為湘州刺史加

都督及隋師濟江清河公楊素遣將龐暉略地至湘州州

內將士剋日請降叔慎置酒會文武酒酣歎曰君臣之義

盡於此乎湘州助防遂興侯正理起曰主辱臣死諸君獨

非陳國臣乎青門之外有死不能厭咸許諾乃遣人詐奉

降書於暉暉入伏兵發斬暉等叔慎招士眾數日中兵至

五千人隋湘州刺史薛胄聞暉死乃請益兵隋又遣行軍

總管劉仁恩救之未至薛胄擒叔慎秦王斬之漢口南史本傳

北齊

巴陵郡王王琳會稽山陽人梁太清二年遷岳陽內史以軍功封建甯縣侯陳武帝受禪琳奉永嘉王蕭莊纂梁祚於郢州尋與莊同降鄴都進封巴陵郡王北齊書本傳

唐

巴陵郡王盤隋高祖弟漢王洪之子唐書宗室世系表

巴陵郡王範睿宗第四子初封鄭王尋改封衛王長壽二

年徙封巴陵郡王睿宗踐祚進封岐王開元十四年册贈

為惠文太子舊唐書本傳

宋

巴陵縣公鎮王竑宗室希瞿子甯宗太子詢薨立竑為皇

巴陵縣志卷之十五

藩封

三

太子甯宗崩史彌遠矯遺詔立理宗封竑為濟陽郡王判

甯國府州人潘壬等謀立竑竑知其謀不成率州兵討平

之遣使告於朝彌遠令客秦天錫逼竑縊於州治降封巴

陵縣公德祐元年陞封鎮王宋史本傳

明

巴陵悼簡王孟燧楚昭王庶一子洪武三十年封無子除

明史諸王世表

岳陽悼惠王孟燿楚昭王庶九子永樂二年封宣德元年

薨子恭僖王季境嗣薨無子除明史諸王世表

癸亥志載唐順宗永貞元年封子緄為岳王明世宗嘉靖五年封兄厚熙為岳王考明史諸王世表及列傳並未見

岳王事惟興獻帝傳載長子生五日而殤嘉靖五年追封
爲岳王殤而追封故表傳俱略而不載又山西亦有岳陽
縣何用知岳王定
屬岳州今俱刪之

巴陵縣志

卷之十五

藩封

四